

黃氏逸書考



卷之五



子史鉤沈

逸書考

郭璞易洞林

甘泉黃奭學

余鄉里曾遭危難因之災厲寇戎並作百姓
遑遑靡知所投時姑涉易義頗曉分著遂尋
思貞筮鉤求攸濟於是普卜郡內縣道可以
逃死之處者皆遇明夷之象乃投策喟然歎
曰嗟乎黔黎將漂異類桑梓之邦其爲魚乎
於是潛命姻婣密友得數十家與共流遁當
由吳取遇賊據之乃欲回從蒲坂而之河北

時草賊劉石又招集羣賊專爲掠害勢不可
過於是同行君子皆欲假道取便又未審所
之乃令吾決其去留卦遇同人之革曰朱雀
西北白虎東走言火爲朱雀兌爲白虎姦猾銜
璧兌爲口故曰銜璧敵人束手占行得此是
謂無咎余初爲占尙未能取定衆不見從卻
退猗氏縣而賊遂至諸人遑窘方計舊之從
比至河北有一間徑名焦邱不通車乘惟可
輕步極險難過捕姦之藪然勢危理迫不可

復自筮之如何得隨之升曰虎在山石

兌虎乾馬

互艮馬過其左駿爲功曹猾爲主者

駿猾能伏虎

垂耳而潛不敢來下

兌虎去不能久

爰升虛邑遂釋

魏野

隨時制行卦義也升賊不來

便以卦義

通示行人說欲從此道之咸失色喪氣无有

讚者或云卦殆誤人不可輕信吾知衆人阻

貳乃更申命候一月契以禍機約十餘家卽

涉此徑詣河北後賊果攻猗氏合城覆沒靡

有遺育

余至揚州從事宏泰言家時坐有眾客語余曰家適有神試爲卦若爲吉者當作二十人主人卽爲卜之遇豫之解曰有釜之象无火形離也變見夜光連月精眈爲潛龍在中不游行也言蟠案卦卜之澡盤鳴金妖所憑無咎慶澡盤非鳴或有鳴者其家至今無他泰言大駭云前夜月出盥盤忽鳴中有盤龍象也丞相椽桓茂倫嫂病困慮不能濟令余卦得賁之豫日時陰在初卦失度殺陰爲刑鬼入

墓建未之月難得度消息卦爻爲扶助馮馬
之師乃寡嫗自然奇救宜粲兔子若洩之得
守故

並啟蒙
翼傳

水不下澗雲不登天泥沈致宮守不堅

臨淮太守柳道明令璞作卦說之曰法官婦
當夢嫁問之果然便教令取井底泥泥竈欲
常應道卽如法日中塗之至黃昏火凡十起
竈室兩間而止其婦果亡

卷縣令施安置鑷令璞射之璞曰非簪非釵

周易叢說引作常在領下鬢髮飾物是有兩

岐

並書鈔

璞避難至新息有以茱萸令璞射之璞曰子如赤鈴含玄珠案文言之是茱萸

璞爲左尉周恭卜云君且墮馬傷頭尉後乘馬行黃昏坂下有犢車觸石馬驚頭打石上

流血殆死

並類衆

宣城都有隱鼠大如牛形似鼠象腳腳有三申皆如驢蹄身赤色曾前尾上皆白

初學記所引止

此下從晉書
本傳鈔補

大力而遲鈍來到城下衆咸異

焉殷祐使人伏而取之令璞作卦遇遯之蠱

四艮體連乾其物壯巨山潛之畜匪兕匪虎

身與鬼并精見二午法當為禽兩翼不許遂

被一創還其本野案卦名之是為驢鼠卜適

了伏者以戟刺之深尺餘遂去不復見

案晉書本

傳又云元帝初鎮建鄴王導令璞筮之遇咸

之井璞曰東西郡北有武名者當出鐸以著

受命之符西南郡縣有陽名者非當沸其後

晉陵武進縣人於田中得銅鐸五枚慰陽縣

中井沸經日乃止及帝為晉王又使璞筮遇

豫之睽璞曰會稽當出鐘以告成功上有勒

邪美易司本

四

銘應在人家井泥中得之繇辭所謂先王以
作樂崇德殷薦之上帝者也及帝卽位大興
初會稽剡縣人果於井中得一鐘長七寸二
分口徑四寸半上有古丈奇書十八字云會
稽嶽命餘字時人莫識之此
文亦當本洞林附錄於此

義興方叔保得傷寒垂死令璞占之不吉令
求白牛厭之求之不得唯羊子立有一白牛
不肯借之璞爲致之卽日有大白牛從西來

逕往臨叔保驚惶病卽愈

並初學記

曲阿令趙元瞻兒字虎舒從吾學卜自求蓍
作卦見吾有盛艾小陵龜欲得之不與語之

曰當作卦相爲致此物合白來復數日果有
一龜入廐虎舒後見吾言偶有一物試可占
之若得當再拜輸一好角弓卽便作卦曰案
卦之文是爲龜虎舒奉弓起再拜

東中  參軍周稚炎卦蠶蛾載蟲使璞射之
璞曰射覆得此大落度必是蠶蛾及毛蠹稚
炎饒鬚故因以調之也

殷鴻喬令吾作卦得大壯之夬語之云慎勿
與許姓者共事田作也必鬪相傷殷還先成

遂與許姓共田田熟有所爭此人舉杖欲撞之鴻喬退思中間之界辭謝許乃得休吳興太守袁玄瑛當之官筮卦吉凶璞曰法官至當主赤蛇爲妖不可殺及至果有赤蛇在銅虎符石函上蟠玄瑛摘殺之其後果爲賊徐福所害

揚州從事慎曜伯婦病因經日發作有時如聞物往來者其兄周彥武令吾作卦得蹇身在戌口與坎鬼并卦中當有從東北田家市

黑狗畜之以代人任患死□□無幾時狗便
死復更養如前凡三過養輒皆吐血而死婦
亦病死

寧遠參軍引景則其姊適吾病四十餘年暫
歸來在其家令吾卜之得明夷之小過然病
每欲動時輒有烏來鳴卽便發作案卦中當
取得獨蹄猪畜之如其言後婦人如欲眠而
見一丈夫衣服盡黑在戶前立遙呼婦人語
其來前不肯言有所避遂泣而去病始小間

吾嘗與殷祐共論此事曰烏日禽猪月畜水火相忌自然之數故取大陰之伏物用消太陽之飛精日中三足故以獨足者當之

流移道路諸人並欲令璞射覆人人自持五月五日蜘蛛者物悉驗遂不復射

大子洗馬荀子驥家中以龍銅魁作食欬鳴

丞相從事中郎王文英家枕自作聲

並太平御覽

中宗爲丞相時有雞雛者而雀飛集其背

馬

之去而復來如此再三令璞占之云雞者酉

酉者金夫雀變而來赴之此晉王踐祚之象

也

太平廣記此晉王作卽王御覽事類賦脫雞者酉至赴之三句未作此晉王卽祚之

也

元帝時三雀共登一雄雞背三八安東廳占

者以爲當進三爵爲天子

廣記

有日者柳休祖善卜筮其妻曾病鼠瘻積年

不差漸困垂命休祖遂占之

御覽作鄉里人柳休祖婦病鼠

瘻積年不差及困垂得頤之復按卦曰應得

姓石者治之

御覽作占得頤之復按卦當獲應得人師姓石者而治之

炙鼠

御覽作當以鼠出

而愈也

御覽也上有者字

既而鄉里

有一賤家果姓石自言能除此病

御覽作休祖兒歸有

賤家奴姓石自遂炙病者頭上三處

御覽作旦

處而止覺佳俄有一鼠色黃秀逕前噉噉然

御覽作婦尋差有一老鼠伏而不動呼犬噬色正倉黃逕就其前噉噉

御覽殺之視鼠頭土有三炙處病者自差

御覽作鼠頭上有炙處病便差廣記御覽

昌邑不靜復南過潁由脈頭口渡去三十里所傳高賊屯駐棚斷渡處以要流人時數百

家車干乘不敢前合占可決得泰欣然語眾
曰羣類避難而得拔茅彙征之卦且泰者通
也吉又何疑吾爲前驅從者數百家至賊界
賊已去餘皆迴避樑津渡爲賊所劫人僅得
在悔不從余卦至淮南安豐縣諸人緬然讓
悲咸有歸志令余卦決之卜住安豐得既濟
曰小狐迄濟垂尾勞衰初雖偷安終靡所依
案卦言之秋吉春悲卜諸壽春得否曰乾坤
蔽塞道消散虎刑挾鬼法凶亂亂則何時時